

Cyfarfod Cyngor Partneriaeth y Gweithlu (CPG)

Dydd Llun 18 Tachwedd 2019 – (12:30-14:30)

Llywodraeth Cymru – Parc Cathays – Caerdydd 1 a 2

1. Cyflwyniad a Sylwadau Agoriadol

- 1.1 Croesawodd y Dirprwy Weinidog Tai a Llywodraeth Leol aelodau CPG i'r cyfarfod a chadarnhaodd y byddai ymddiheuriadau yn cael eu nodi yn y cofnodion. Croesawodd hi'r Cynghorydd Barbara Jones, Arweinydd Dros Dro Cyngor Bwrdeistref Sirol Caerffili i'w chyfarfod CPG cyntaf yn lle'r Cynghorydd David Poole. Yna diolchodd i'r Cyd-bwyllgor Gweithredol, Cyd-Ysgrifenyddiaeth CPG a'r holl sefydliadau y maent wedi gweithio gyda nhw wrth gynhyrchu'r papurau a gyflwynwyd gerbron CPG i'w hystyried.
- 1.2 Cadarnhaodd y Dirprwy Weinidog y bwriad i gyflwyno'r Bil Partneriaeth Gymdeithasol o fewn tymor hwn Cynulliad Cenedlaethol Cymru a bod y Papur Gwyn cyfatebol wedi'i gyhoeddi ar gyfer ymgynghori â dyddiad cau o 2 Ionawr 2020. Cadarnhaodd hefyd fod Jo Salway wedi'i phenodi i arwain y Gyfarwyddiaeth Partneriaeth Gymdeithasol newydd o fewn Llywodraeth Cymru ac yr hoffai iddi siarad yng nghyfarfod nesaf CPG ar 11 Mai 2020.

Cam Gweithredu: Cyd-ysgrifenyddiaeth CPG i gysylltu â Jo Salway i drefnu iddi ddod i gyfarfod nesaf CPG ar 11 Mai 2020.

2. Cytundeb Arfaethedig CPG ar Ddefnyddio Trefniadau Oriau Heb eu Gwarantu mewn ffordd Dderbyniol

- 2.1 Amlinellodd y Dirprwy Weinidog Tai a Llywodraeth Leol uchelgais ar y cyd CPG i greu amgylchedd gwaith teg ac i frwydro yn erbyn arferion cyflogaeth ecsbloetiol. Yna gofynnodd i Martin Mansfield gyflwyno'r papur fel arweinydd y Cyd-bwyllgor Gweithredol ar gyfer yr eitem hon.
- 2.2 Esboniodd Martin Mansfield ei fod yn cyflwyno'r papur hwn yn ei rôl ddeuol fel aelod o Gydbwyllgor Gweithredol CPG ond hefyd fel Ysgrifennydd ochr yr Undebau Llafur. Cadarnhaodd fod cynnig y Cytundeb Trefniadau Oriau Heb eu Gwarantu ('y cytundeb') i CPG yn cynrychioli sefyllfa y cytunwyd arni a ddatblygwyd gan y Cyd-bwyllgor Gweithredol i osgoi defnyddio trefniadau oriau heb eu gwarantu mewn ffordd annerbyniol. Fodd bynnag, fel cynrychiolydd yr Undebau Llafur, roedd arno eisiau disgwyl i weld beth fyddai canlyniad yr etholiad cyffredinol sydd ar y gweill i weld i ba raddau fyddai'n rhaid i unrhyw lywodraeth newydd ddarparu cyd-destun ychwanegol ar gyfer y cytundeb. Roedd yn cynnig y dylai'r cytundeb gael ei gadarnhau gan y rheini sy'n bresennol ond y dylid gohirio ei gyhoeddi er mwyn caniatáu ystyriaeth bellach oherwydd hyn. Gofynnodd i lythyr eglurhad y Gweinidog ddarparu cyd-destun a oedd yn cynnwys cwmplas y ddogfen a'i pherthynas â pholisïau a chytundebau eraill.

- 2.3 Wrth ddeall cyd-destun gwleidyddol yr etholiad cyffredinol, eglurodd Reg Kilpatrick fod y tri phartner wedi cytuno ar y cytundeb arfaethedig, ac roedd yn cwestiynu buddion aros tan ar ôl cael canlyniad yr etholiad. Mynegodd ei bryder ynglŷn â phosibilrwydd colli'r gwaith a oedd eisoes wedi'i wneud i lunio'r cytundeb pe byddai oedi â'r cytundeb a'r dyddiad cyhoeddi terfynol. Awgrymodd y dylai'r cytundeb gael ei gyhoeddi cyn pen wythnos ar ôl yr etholiad.
- 2.4 Roedd Shavanah Taj yn cefnogi'r gwaith da a oedd wedi'i gyflawni wrth ddatblygu'r cynnig, ond roedd yn teimlo na fyddai oedi am wythnos yn caniatáu digon o amser i ystyried bwriad llawn y llywodraeth newydd.
- 2.5 Pwysleisiodd Martin Manselfield nad oedd yn cynnig y dylai'r cytundeb gael ei ailrafod, dim ond y dylai aelodau ddisgwyl i weld canlyniad yr etholiad ac ystyried unrhyw oblygiadau'r canlyniad.
- 2.6 Wrth ddeall cyd-destun gwleidyddol pwysig yr etholiad, roedd Chris Llewelyn yn cefnogi pryderon Reg Kilpatrick ynghylch posibilrwydd colli gwaith pe byddai gormod o oedi cyn cyhoeddi'r cytundeb.
- 2.7 Gofynnodd y Dirprwy Weinidog Tai a Llywodraeth Leol i CPG a oedd yn fodlon cadarnhau'r ddogfen ond gohirio ei chyhoeddi tan ar ôl y Cyd-bwyllgor Gweithredol ar 16 Ionawr 2020 ac yna ei chyhoeddi yn gynnar ar ôl hynny, ond dim hwyrach na diwedd mis Ionawr. Byddai ei llythyr eglurhad yn egluro cyd-destun ehangach y cytundeb. Cafodd y cynigion hyn eu derbyn gan CPG.

Cam Gweithredu: Cyd-Ysgrifenyddiaeth CPG i drefnu cyhoeddi Cytundeb CPG ar Ddefnydd Derbyniol o Oriau Heb eu Gwarantu yn dilyn cyfarfod y Cyd-bwyllgor Gweithredu ar 16 Ionawr 2020 ac erbyn diwedd Ionawr 2020 fan bellaf.

Cam Gweithredu: Cyd-Ysgrifenyddiaeth CPG i sicrhau bod drafft llythyr eglurhad y Gweinidog ar gyfer Cytundeb CPG ar Ddefnydd Derbyniol o Oriau Heb eu Gwarantu yn egluro cyd-destun ehangach y cytundeb.

3. Adroddiad CPG ar Symudedd y Gweithlu

- 3.1 Cyflwynodd y Dirprwy Weinidog Tai a Llywodraeth Leol y papur yn amlinellu rhai o'r canfyddiadau allweddol. Yna gofynnodd i Chris Llewelyn gyflwyno'r papur fel arweinydd y Cyd-bwyllgor Gweithredol ar gyfer yr eitem hon.
- 3.2 Esboniodd Chris Llewelyn fod y papur yn adlewyrchu'r gwaith ymchwil a gafodd ei wneud i ddangos sut y gellir cyflawni "un gwasanaeth cyhoeddus". Aeth trwy brif ganfyddiadau'r adroddiad gan nodi'r rhwystrau allweddol i symudedd, sef: gwahaniaethau o ran telerau ac amodau, methu trosglwyddo pensiynau a diffyg cyfleoedd. Gofynnodd i CPG a oeddent yn fodlon ar y cynnig yn y papur bod Cyd-Ysgrifenyddiaeth CPG bellach yn symud ymlaen gyda gwaith i archwilio camau i oresgyn rhwystrau i symudedd gweithlu llwyddiannus ac ailddatblygu porth Cyfnewid Pobl Cymru (CPC), gydag arbenigwyr enwebedig gan y partneriaid.

- 3.3 Cadarnhaodd Richard Tompkins ei bod yn bwysig bod y Cyd-bwyllgor Gweithredu yn cynnwys rhywfaint o ddadansoddiad yn y gwaith hwn ynghylch camsyniadau ynglŷn â symudedd y gweithlu gan nodi fel enghraifft y gellid dadlau bod trosglwyddo pensiynau yn llai o rwystr nag o'r blaen.
- 3.4 Cytunodd Donna Hutton â'r argymhellion yn yr adroddiad a chadarnhaodd y byddai'r Undebau Llafur yn darparu enwau pobl arbenigol sydd wedi'u henwebu i weithio gyda Chyd-Ysgrifenyddiaeth CPG. Pwysleisiodd bwysigrwydd gwaith sy'n canolbwyntio ar bensiynau, cydraddoldeb, cyflog teg ac amodau a thelerau.
- 3.5 Gan ateb Donna Hutton, dywedodd Reg Kilpatrick fod y meysydd hyn yn gymhleth yn gyfreithiol, ac yn ddud iawn i'w datrys. Fodd bynnag, roedd y Cyd-bwyllgor Gweithredu wedi cytuno i drafod y materion hyn pan fydd yn cyfarfod yn nes ymlaen yn ystod yr wythnos ar 22 Tachwedd.
- 3.6 Gofynnodd y Dirprwy Weinidog Tai a Llywodraeth Leol i CPG a oeddent yn fodlon cytuno ar y cynigion a nodwyd yn y papur gan gynnwys cyhoeddi'r adroddiad, ac fe gafodd y rhain eu derbyn.

Cam Gweithredu: Cyd-Ysgrifenyddiaeth CPG i drefnu cyhoeddi Adroddiad CPG ar Symudedd y Gweithlu o fewn y Gwasanaethau Cyhoeddus yng Nghymru.

Cam Gweithredu: Cyd-Ysgrifenyddiaeth CPG i weithio gydag arbenigwyr perthnasol o bob partner i ddatblygu cynnig i gefnogi symudedd y gweithlu gan gynnwys aildatblygu porth Cyfnewid Pobl Cymru (CPC) a chamau i oresgyn y rhwystrau i symudedd y gweithlu.

4. Adroddiad CPG ar Waith Teg (Tryloywder Cyflog a'r Bwlch Cyflog rhwng y Rhywiau)

- 4.1 Amlinellodd y Dirprwy Weinidog Tai a Llywodraeth Leol gynigion allweddol y papur, ac egluro bod y Dirprwy Weinidog a'r Prif Chwip Jane Hutt AC yn awyddus i'w symud ymlaen. Yna gwahoddwyd Tanya Palmer i gyflwyno'r papur fel arweinydd y Cyd-bwyllgor Gweithredol ar gyfer yr eitem hon. Esboniodd hi fod y papur yn nodi cysondeb, hygyrchedd a chyflwyniad fel materion allweddol yng nghyhoeddiad y data ynglŷn â thâl gan sefydliadau gwasanaethau cyhoeddus. Yna gofynnodd i CPG a oeddent yn derbyn argymhellion y papur a oedd yn cynnwys bod Cyflogwyr ac Undebau Llafur yn cymryd rhan yn ffurfiol yn adolygiad Llywodraeth Cymru o ddyletswydd cydraddoldeb y sector cyhoeddus, bod data ar y bwlch cyflog rhwng y rhywiau a chyflog uwch yn cael eu cynnwys yn y gyfres o ddata agored sydd ar gael ar dudalen we StatsCymru a bod Llywodraeth Cymru yn ystyried camau pellach i wella cysondeb a hygyrchedd data tâl.
- 4.2 Diolchodd Margaret Phelan i'r partneriaid am symud ymlaen gyda'r gwaith hwn. Nododd yr hoffai Ochr yr Undebau Llafur weld Archwiliadau Cyflog Statudol yn ymwneud â nodweddion gwarchodedig hil, rhyw ac anabledd.
- 4.3 Gofynnodd y Dirprwy Weinidog Tai a Llywodraeth Leol i CPG a oedd yn fodlon cytuno a chyhoeddi Adroddiad CPG ar Waith Teg (Tryloywder Cyflog a Bwlch Cyflog rhwng y Rhywiau). Derbyniwyd hyn gan CPG.

Cam Gweithredu: Cyd-Ysgrifenyddiaeth CPG i drefnu cyhoeddi Adroddiad CPG ar Waith Teg (Tryloywder Cyflog a'r Bwlch Cyflog rhwng y Rhywiau).

Cam Gweithredu: Llywodraeth Cymru i fwrw ymlaen â'r argymhellion a nodwyd yn Adroddiad GPC ar Waith Teg (Tryloywder Cyflog a Bwlch Cyflog rhwng y Rhywiau).

5. Papur CPG ar Gefnogaeth Menopos yn y Gweithle

- 5.1 Amlinellodd y Dirprwy Weinidog Tai a Llywodraeth Leol fater allweddol y papur, sef penderfynu a oedd aelodau CPG yn teimlo bod angen gweithredu ymhellach i annog cefnogaeth menopos ar draws sefydliadau gwasanaethau cyhoeddus.
- 5.2 Yna gofynnwyd i Tanya Palmer gyflwyno'r papur fel arweinydd y Cyd-bwyllgor Gweithredol ar gyfer yr eitem hon. Eglurodd bod gan y rhan fwyaf o sefydliadau gwasanaethau cyhoeddus (42 allan o 50 ohonynt) rhyw fath o gefnogaeth ar gael. Argymhellodd y dylai'r Dirprwy Weinidog Tai a Llywodraeth Leol, yn ei rôl fel Cadeirydd CPG, ysgrifennu at yr 8 sefydliad sy'n weddill i ddatblygu rhyw fath o gefnogaeth yn y gweithle yn eu sefydliadau.
- 5.3 Roedd Reg Kilpatrick yn cefnogi'r cynnig hwn.
- 5.4 Er mwyn cryfhau'r gefnogaeth a gynigir ymhellach i staff sy'n profi'r menopos, awgrymodd Tanya Palmer hefyd fod CPG yn argymhell bod sefydliadau yn defnyddio pecyn cymorth TUC Cymru fel canllaw arferion gorau.
- 5.5 Argymhellodd Shavanah Taj hefyd becyn cymorth TUC Cymru *Y Menopos yn y Gweithle* ac y dylid adolygu'r pwnc hwn mewn cyfarfodydd CPG sydd i ddod.
- 5.6 Yn seiliedig ar y trafodaethau hyn, awgrymodd Richard Tompkins y dylai Cyd-Ysgrifenyddiaeth CPG nawr ddod â'r arferion gorau o'r gwaith maent wedi'i wneud at ei gilydd (gan gynnwys Pecyn Cymorth TUC Cymru) a'i roi i'r Cyd-bwyllgor Gweithredu i gael ei gymeradwyo. Os cytunir arno, gellid ei roi i sefydliadau gwasanaethau cyhoeddus.
- 5.7 Gofynnodd y Dirprwy Weinidog Tai a Llywodraeth Leol i CPG a oeddent yn fodlon â'r cynigion hyn, ac fe wnaethant eu derbyn.

Cam Gweithredu: Cyd-Ysgrifenyddiaeth CPG i ysgrifennu llythyr Gweinidogol drafft yn annog yr 8 sefydliad gwasanaeth cyhoeddus sy'n weddill i ddarparu cefnogaeth yn y gweithle i staff sy'n profi'r menopos.

Cam Gweithredu: Cyd-Ysgrifenyddiaeth CPG i sicrhau bod y pwnc hwn yn cael ei adolygu a'i drafod mewn cyfarfod CPG yn y dyfodol.

Cam Gweithredu: Cyd-Ysgrifenyddiaeth CPG i ddatblygu dogfen arferion gorau i'w hystyried gan y Cyd-bwyllgor Gweithredu gan dynnu ar ganfyddiadau eu gwaith ymchwil eu hunain, a chynnwys Pecyn Cymorth TUC Cymru ar gefnogaeth menopos yn y gweithle.

6. Datganiad ar y Cyd CPG ar Ddarparu Absenoldeb â Thâl i Staff sy'n Profi Cam-drin Domestig

- 6.1 Diolchodd y Dirprwy Weinidog Tai a Llywodraeth Leol i'r aelodau am eu cefnogaeth wrth ddatblygu'r papur ar gyfer yr eitem hon a gododd yng nghyfarfod diwethaf CPG ar 1 Gorffennaf 2019. Yna, gofynnodd i Reg Kilpatrick gyflwyno'r papur i CPG fel arweinydd y Cyd-bwyllgor Gweithredol a enwebwyd.
- 6.2 Pwysleisiodd Reg Kilpatrick bwysigrwydd y pwnc hwn i bawb y mae CPG yn eu cynrychioli, a'r gwaith da a oedd eisoes ar gael. Cyfeiriodd at ganllawiau a ddatblygwyd gan UNSAIN, GMB a Chyd-Gyngor Cymru. Cyfeirir at bob un ohonynt yn Datganiad ar y Cyd CPG a gafodd ei roi i aelodau. Teimlai y dylid cyhoeddi'r Cyd-ddatganiad fel blaenoriaeth gyda llythyr eglurhad gan y Dirprwy Weinidog Tai a Llywodraeth Leol.
- 6.3 Pwysleisiodd Shavanah Taj y gwaith y mae tîm Trais yn erbyn Menywod, Cam-drin Domestig a Thrais Rhywiol (VAWDASV) Llywodraeth Cymru yn ei wneud a'i bod hi'n bwysig bod y Cyd-bwyllgor Gweithredol yn gweithio'n agos gyda nhw wrth symud ymlaen. Teimlai hefyd y dylid adolygu'r eitem hon a'i hystyried mewn cyfarfod CPG yn y dyfodol.
- 6.4 Cadarnhaodd Reg Kilpatrick fod y Cyd-bwyllgor Gweithredol wedi ymrwymo i weithio gyda'r VAWDASV i archwilio pa faterion eraill y gellir eu nodi wrth gefnogi staff yn y gweithle sy'n profi cam-drin domestig.
- 6.5 Cadarnhaodd Richard Tompkins fod y GIG wedi cynnwys darpariaeth absenoldeb â thâl ar gyfer staff sy'n profi cam-drin domestig yn ei bolisiâu perthnasol.
- 6.6 Pwysleisiodd y Dirprwy Weinidog Tai a Llywodraeth Leol bwysigrwydd sicrhau bod Datganiadau ar y Cyd a phapurau cysylltiedig yn cael cyhoeddusrwydd effeithiol er mwyn hyrwyddo'r gwaith da sy'n digwydd. Yna gofynnodd i CPG a oeddent yn fodlon â'r cynigion a drafodwyd, ac fe gafodd y rhain eu derbyn.

Cam Gweithredu: Cyd-Ysgrifenyddiaeth CPG i gysylltu â Llywodraeth Cymru ynglŷn â chyhoeddi Datganiad ar y Cyd CPG ar gyfer Darparu Absenoldeb â Thal i Staff sy'n Profi Cam-drin Domestig gyda llythyr eglurhad Gweinidogol.

Cam Gweithredu: Cyd-Ysgrifenyddiaeth CPG i gysylltu â thîm Trais yn erbyn Menywod, Cam-drin Domestig a Thrais Rhywiol (VAWDASV) Llywodraeth Cymru i drafod pa faterion eraill y gellir eu nodi i gynorthwyo staff sy'n profi cam-drin domestig ac i ddod â'r rhain yn ôl i gael eu hystyried gan y Cyd-bwyllgor Gweithredu.

Cam Gweithredu: Cyd-Ysgrifenyddiaeth CPG i sicrhau bod y pwnc hwn yn cael ei adolygu a'i drafod mewn cyfarfod CPG yn y dyfodol.

7. Datganiad ar y Cyd CPG ar Reoli Asbestos mewn Adeiladau Cyhoeddus

- 7.1 Cadarnhaodd y Dirprwy Weinidog Tai a Llywodraeth Leol fod datganiad ar y cyd CPG ar Reoli Asbestos mewn Adeiladau Cyhoeddus wedi cael ei gytuno gan y Cyd-bwyllgor Gweithredol a oedd hefyd wedi ysgrifennu at Ystadau Cymru i ofyn iddynt fwrw ymlaen â gwaith pellach ar y pwnc hwn. Yna, gofynnodd i Reg Kilpatrick gyflwyno'r papur i CPG fel arweinydd y Cyd-bwyllgor Gweithredol a enwebwyd.
- 7.2 Dywedodd Reg Kilpatrick fod y Cyd-bwyllgor Gweithredol yn cytuno bod angen set gyfunol o warantiau ar y mater hwn. Dywedodd fod Ystadau Cymru wedi derbyn hyn fel darn o waith ac wedi ymateb i'r llythyr gan y Cyd-bwyllgor Gweithredol. Yn seiliedig ar hyn, dylid nawr ystyried bod y mater o reoli asbestos mewn adeiladau cyhoeddus yn fater i Ystadau Cymru ac nid i CPG.
- 7.3 Cadarnhaodd y Dirprwy Weinidog Tai a Llywodraeth Leol y gofynnwyd i Mike Payne ddarparu rhagor o fanylion i Ystadau Cymru ynghylch ei bryderon ynglŷn â'r mater hwn ac y byddai'n dod i'r cyfarfod nesaf ym mis Ionawr.
- 7.4 Dywedodd Martin Mansfield fod ochr yr Undebau Llafur yn cytuno y dylai Ystadau Cymru ddelio â'r mater. Fodd bynnag, roedd yn bryderus ynghylch tŷ llythyr a ddaeth i law CPG gan Richard Baker o Ystadau Cymru ar 15 Tachwedd 2019. Roedd yn nodi nad oedd iechyd a diogelwch wedi'i ddatganoli, gan awgrymu na allent gymryd unrhyw gamau pellach yn y maes, a nododd fod yr undebau llafur o'r farn bod hwn yn fater iechyd cyhoeddus, sydd wedi'i ddatganoli. Croesawodd y cynnig i gael cyfarfod brys rhwng Mike Payne a Richard Baker i egluro'r mater hwn. Cadarnhaodd fod ochr yr Undebau Llafur yn fodlon gweld sut mae'r trafodaethau hyn yn datblygu, ond yn dibynnu ar y canlyniad, efallai y bydd angen dychwelyd y mater i CPG.
- 7.5 Ymddiheurodd Reg Kilpatrick fod y llythyr wedi rhoi'r fath argraff, ac wrth drafod â Richard Barker, rhoddodd sicrwydd i aelodau nad hynny oedd ei fwriad. Dywedodd fod cyfrifoldeb dros weithwyr yn amlwg yn fater datganoledig.
- 7.6 Awgrymodd Helen Whyley y dylid adolygu cyhoeddi Datganiad ar y Cyd CPG yn dilyn y trafodaethau hyn, a derbyniwyd hyn gan CPG.

Cam Gweithredu: Cyd-bwyllgor Gweithredol CPG i ailystyried Datganiad ar y Cyd CPG ar Reoli Asbestos mewn Adeiladau Cyhoeddus yn dilyn trafodaethau rhwng Mike Payne ac Ystadau Cymru.

8. Adolygu Cofnodion CPG/Materion yn Codi

- 8.1 Gofynnodd y Gweinidog Tai a Llywodraeth Leol i'r aelodau a oeddent yn fodlon clirio cofnodion y cyfarfod CPG blaenorol.
- 8.2 Derbyniwyd hyn gan CPG.
- 8.3 Gofynnodd Margaret Phelan am ddiweddariad cynnydd ar yr un weithred a oedd yn weddill o'r cyfarfod blaenorol yn ymwneud â chytuno ar fath o eiriau gydag AB/AU a fyddai'n galluogi iddynt gymryd rhan yn CPG.
- 8.4 Ymddiheurodd Judith Cole am yr oedi wrth symud ymlaen â'r cam hwn. Roedd Karen Higgins bellach yn bwrw ymlaen â hyn gydag AB ac AU a byddai'n darparu diweddariad maes o law.
- 8.5 Karen Higgins i fynd i'r afael â'r gweithredu rhagorol mewn perthynas ag aelodaeth AB ac AU ac adrodd yn ôl i CPG maes o law.

Rhestr Presenoldeb – CPG – 18 Tachwedd 2019

Cabinet

Cadeirydd – Hannah Blythyn AC – Y Dirprwy Weinidog Tai a Llywodraeth Leol

Undebau Llafur

Martin Mansfield – TUC Cymru

Tanya Palmer – UNSAIN

Shavanah Taj – PCS

Helen Whyley – RCN Cymru

Donna Hutton – UNSAIN

Richard Munn – Unite

Margaret Phelan – UCU Cymru

Neil Butler – NASUWT

Cyflogwyr Datganoledig

Y Cyngorydd Barbara Jones – CLILC (Deiliad Portffolio Gwleidyddol)

Richard Tompkins – Cyflogwyr GIG Cymru

Chris Llewelyn – CLILC

Michelle Morris – SOLACE Cymru

Jonathan Lloyd – CLILC

Alex Howells – AaGIC

Llywodraeth Cymru

Reg Kilpatrick – Cyfarwyddiaeth Llywodraeth Leol

Steve Davies – Cyfarwyddiaeth Addysg

Judith Cole – Yr Is-adran Polisi Cyllid Llywodraeth Leol

Andrea Street – Y Gwasanaethau Cymdeithasol ac Integreiddio – Yr Is-adran Gwella

Cyngor Partneriaeth y Gweithlu – Cyd-ysgrifenyddiaeth

Karen Higgins – Pennaeth Cyd-ysgrifenyddiaeth CPG

Arsylwyr

Nisreen Mansour – TUC Cymru

Joe Allen – TUC Cymru

Mark Pruce – Llywodraeth Cymru

Richard Mulcahy – Llywodraeth Cymru

Charlotte Cosserat – Llywodraeth Cymru

Katherine Hatch – Llywodraeth Cymru

Natalie Priday – Llywodraeth Cymru

Natalie Stewart – Llywodraeth Cymru

Sarah Abraham – Cyd-ysgrifenyddiaeth CPG

Mark Lewis – Cyd-ysgrifenyddiaeth CPG

Ceri Williams – Cyd-ysgrifenyddiaeth CPG

Ymddiheuriadau

Mike Payne – GMB

Dominic MacAskil – UNSAIN

Kelly Andrews – GMB

David Evans - NEU

Joanne Oak – Gofal Cymdeithasol Cymru
Julie Rowles – Grŵp Cyfarwyddwyr Datblygu Sefydliadol/Gweithlu'r GIG
Albert Heaney – Gwasanaethau Cymdeithasol ac Integreiddio – Llywodraeth Cymru
Helen Arthur – Cyfarwyddiaeth Gwasanaethau Cymdeithasol – Llywodraeth Cymru
Peter Kennedy – Adnoddau Dynol – Llywodraeth Cymru
Sam Huckle – Cyflogadwyedd a Sgiliau – Llywodraeth Cymru
Simon Smith – Gwasanaethau Tân ac Achub
Tracy Myhill – Prif Weithredwr y GIG

DRAFT

Log Camau Gweithredu

Rhif	Cam Gweithredu	Perchennog
1	Cyd-ysgrifenyddiaeth CPG i gysylltu â Jo Salway i drefnu iddi ddod i gyfarfod nesaf CPG ar 11 Mai 2020.	Cyd-ysgrifenyddiaeth CPG
2	Cyd-Ysgrifenyddiaeth CPG i drefnu cyhoeddi Cytundeb CPG ar Ddefnydd Derbyniol o Oriau Heb eu Gwarantu yn dilyn cyfarfod y Cyd-bwyllgor Gweithredu ar 16 Ionawr 2020 ac erbyn diwedd Ionawr 2020 fan bellaf.	Cyd-ysgrifenyddiaeth CPG
3	Cyd-Ysgrifenyddiaeth CPG i sicrhau bod drafft llythyr eglurhad y Gweinidog ar gyfer Cytundeb CPG ar Ddefnydd Derbyniol o Oriau Heb eu Gwarantu yn egluro cyd-destun ehangach y cytundeb.	Cyd-ysgrifenyddiaeth CPG
4	Cyd-Ysgrifenyddiaeth CPG i drefnu cyhoeddi Adroddiad CPG ar Symudedd y Gweithlu o fewn y Gwasanaethau Cyhoeddus yng Nghymru.	Cyd-ysgrifenyddiaeth CPG
5	Cyd-Ysgrifenyddiaeth CPG i weithio gydag arbenigwyr perthnasol o bob partner i ddatblygu cynnig i gefnogi symudedd y gweithlu gan gynnwys ailddatblygu porth Cyfnewid Pobl Cymru (CPC) a chamau i oresgyn y rhwystrau i symudedd y gweithlu.	Cyd-ysgrifenyddiaeth CPG
6	Cyd-Ysgrifenyddiaeth CPG i drefnu cyhoeddi Adroddiad CPG ar Waith Teg (Tryloywder Cyflog a'r Bwlch Cyflog rhwng y Rhywiau).	Cyd-ysgrifenyddiaeth CPG
7	Llywodraeth Cymru i fwrw ymlaen â'r argymhellion a nodwyd yn Adroddiad GPC ar Waith Teg (Tryloywder Cyflog a Bwlch Cyflog rhwng y Rhywiau).	Llywodraeth Cymru
8	Cyd-Ysgrifenyddiaeth CPG i ysgrifennu llythyr Gweinidogol drafft yn annog yr 8 sefydliad gwasanaeth cyhoeddus sy'n weddill i ddarparu cefnogaeth yn y gweithle i staff sy'n profi'r menopos.	Cyd-ysgrifenyddiaeth CPG
9	Cyd-Ysgrifenyddiaeth CPG i sicrhau bod y pwnc hwn yn cael ei adolygu	Cyd-ysgrifenyddiaeth CPG

	a'i drafod mewn cyfarfod CPG sydd i ddod.	
10	Cyd-Ysgrifenyddiaeth CPG i ddatblygu dogfen arferion gorau i'w hystyried gan y Cyd-bwyllgor Gweithredu gan dynnu ar ganfyddiadau eu gwaith ymchwil eu hunain, a chynnwys Pecyn Cymorth TUC Cymru ar gefnogaeth menapos yn y gweithle.	Cyd-ysgrifenyddiaeth CPG
11	Cyd-Ysgrifenyddiaeth CPG i gysylltu â Llywodraeth Cymru ynglŷn â chyhoeddi Datganiad ar y Cyd CPG ar gyfer Darparu Absenoldeb â Thal i Staff sy'n Profi Cam-drin Domestig gyda llythyr eglurhad Gweinidogol.	Cyd-ysgrifenyddiaeth CPG
12	Cyd-Ysgrifenyddiaeth CPG i gysylltu â thîm Trais yn erbyn Menywod, Cam-drin Domestig a Thrais Rhywiol (VAWDA) Llywodraeth Cymru i drafod pa faterion eraill y gellir eu nodi i gynorthwyo staff sy'n profi cam-drin domestig ac i ddod â'r rhain yn ôl i gael eu hystyried gan y Cyd-bwyllgor Gweithredu.	Cyd-ysgrifenyddiaeth CPG
13	Cyd-Ysgrifenyddiaeth CPG i sicrhau bod y pwnc hwn yn cael ei adolygu a'i drafod mewn cyfarfod CPG sydd i ddod.	Cyd-ysgrifenyddiaeth CPG
14	Cyd-bwyllgor Gweithredol CPG i ailystyried Datganiad ar y Cyd CPG ar Reoli Asbestos mewn Adeiladau Cyhoeddus yn dilyn trafodaethau rhwng Mike Payne ac Ystadau Cymru.	Cyd-bwyllgor Gweithredol